

Keurboek(ca 1450) negatief

fol.90 vso

Item so wie enighe enighe scade te doen glazen te stucken werpt an die kerc of enighe andere scade dair an doet die verbuert vijf scellinc en dair toe die scade te bereven bi den kercmeesters si of haer ouders of haer meysters van erfghelt
Inv.Nr.20

Keurboek(1575) negatief

fol.51

Item dat geene kinderen noch yemant anders eenige insolentie ofte wansturicheit bedrijven sullen mogen inde kercke ofte cappelle tot geenen tijde vanden dage bij onder de predicatie ofte anders op peyne datmen die selve sulcx doende doen setten ofte anders in bewaernisse stellen om ter arbitragie van Schepenen gestraft te worden ende dat die geene die sulcx doet daerenboven verbueren sal 'toverste cleet ofte 't selve te redimeren met XX sc, tot prouffijte vande bekeurder ende sullen die ouders voor haer kinderen verantwoorden
Inv.Nr.28

Keurboek(1581) negatief

fol.16 van niet te caetsen int weeshuys noch opte straet

69.Item dat niemant van wat conditie qualiteyt ofte staete hij sij hem vervoirdere int weeshuys deser stede opte Vinmollerplaetsen noch op eenige plaetsen ofte straeten binnen deser stede vuytgesondert die breestraet agter 't stadthuys ende den dijck te caetsen in eeniger maniere opte boete van drie guldens, d'eenhelft tot prouffijt vanden Officier ende danderhelft tot proffijt vanden aenbrenger soo dick ende menichwerff yemant daer over bekeurt wort ende datmen sodanige int heymelyck sall mogen bekeuren gepubliceert den VI Augustus 1581
Inv.Nr.28

Keurboek(1587)

fol.20

89.van geen cloot te schieten noch bal te slaen

Item dat niemant tsij burger ofte inwoonder hem vervordere den ander schade te doen in sijn die cloot te schieten noch de bal te slaen opte stede wallen noch binnen deser stede op eenige straten noch in eenige wateren opte boete van XX sc. van elcke persoon, die ouders voor haer kinderen te betalen.
Inv.Nr.20

Keurboek(1618)

fol.35

23.Niet te colven,caetsen,cooten op eenige straten

En sullen oock geene jongens noch anderen opde Mientbrugge ofte visbrugge met cooten mogen spelen,ende op gene straten off in eenige wateren binnen dese stede mogen caetsen,colven, noch de cloot schieten op gelijcke boeten van 20 sc.
Inv.Nr.28

Keurboek(1655)

fol.32 vso

25.Niet te kolven,caatsen,kooten op eenige straten

Ende zullen oock gene jongens noch andere opde Mienter Brugge mogen speelen,ende op geene straten of in geene wateren binnen deser stede mogen colven,kaatsen,noch de cloot schieten op gelijcke boeten van twintich stuyvers
Inv.Nr.29